



Siverth K. Heilmann

UPA 2024/46-1

Atassut

25. April 2024

**Naartunermi, erninermi meeravissiarthaarnermilu sulinnigiffeqartarneq pillugu Inatsisartut inatsisaata allangortinneratigut inuit qitornaminnik, aappaminnik inooqatigisaminnilluunniit toqukkut annaasaqarsimatillugit qaammatit pingasut angullugit aningaasaateqarfimmit akiliunneqarlutik sulinnigiffeqarsinnaanissaat anguniarlugu Naalakkersuisut peqquneqarnissaannik Inatsisartut aalajangiiffissaattut siunnersuut.**

(Inatsisartunut ilaasortaq Peter Olsen, Inuit Ataqtigii)

Siullermik qulaani siunnersuutigineqartumut qujanaq, imatullu Atassummiit naatsumik oqaaseqarfigissavarput.

Aalajangiiffisassatut siunnersuut pingaarutilik, aatsaalli maani inimi eqqartorneqalinngitsoq aammali innuttaasut kattuffiillu akunnerminnik qaqqinneqartarpoq.

Siunnersuutip oqaasertaa tunngavilersuutigineqartorlu paasinaraluartoq, taamaattoq oqaatigisariaqarpoq, kikkut tamarmik suliffeqarneq ajormata. Angajoqqaarpassuaqarpormi aammali sulituatuullutik meerartaaraluarlutik allatulluunniit toqusoornernik nalaataqartartunik.

Suliffeqarfiit namminersortut, pisortat ingerlataannut sanilliullugit, qujanartumik toqusoortoqartillugu sulisuminnik toqosoornernik nalaataqartoqartillugu aamma ilaqarput, sulinnigiffeqarnissamik sivisunerusumik periarfisseerusuttartunik. Aalisartut inuutissarsiumminnik ajutoorluinnartillugit namminersortuummatagoq, suliffissarsiuussisarfinnut innersuunneqaannartarput.

Inatsisepassuarnut naleqqussaasarnigut, tamatigut innuttaasut kissaataannut iluatsittanngineri annikillisinneqassappata, Atassummiit oqaatigiukkatsituut, allannguinigut tamatigut ajornanngippallu qulaani oqariartuutitta pitsaaqutit ajoqutillu ataqtigiinnissaannut pikkorinnerulertariaqarpugut.

Taamatut Atassummiit naatsumik oqaaseqarluta, siunnersuullu tunngaviatigut taperseraluarlugu, suliap aappassaaneerneqartigani peqqissaarullugu inunnik isumaginninnermi ataatsimiititaliami suliareqqaarneqarnissaa inassutigaarput.

Qujanaq.